

3. GAZTERIA, BALIOEN GARAPENA, HEZKUNTZA ETA PRESTAKUNTZA

Aurrera, batera!
Bilbao
Mira al futuro

Edozein hirirentzat funtsezkoa da etorkizunera begiratzea. Eta etorkizuna, zer esanik ez, gazteek eraikitzen dute. Ilusioak, proiektu profesionalak eta garatzeko moduko bizitza-proiektuak dituzten gazteek. Gure hiriko dinamiketan giltzarrizko eginkizuna izan nahi duten gazteek. Hiri hobea eraikitzeko iritziak azaldu eta proposamenak egin nahi dituzten gazteek.

Bestalde, kalitaterik goreneko hezkuntza eta prestakuntza izateak lehenasunezko helburua izan behar du edozein hirirentzat. Hezkuntza eta prestakuntza dira gure inbertsio nagusia, etorkizuneko apustu nagusia. Baina apustu horrek ez ditu bakarrik ezaguera teknikoak kontuan hartu behar. Horiekin batera, bizitzarako prestaketa eta balio sendoen garapena ziurtatu behar ditu.

Gazteriaren arloan, zken 4 urteotan, garrantzi handiko proiektuak abiarazi ditugu gazteen parte-hartzea sustatu eta errazteko eta hiriari gazteen ikuspegia gehitzeko. Hezkuntza arloan, haurreskola publikoen udal eskaintza finkatzen jarraitu dugu, eta Bilbo kalitatezko eskaintza zabala duen unibertsitate-hiritzat indartu dugu. Horrez gain, hirian partekatutako balioak bultzatzea xede duen "Bilbao, Balioen Hiria" funtsezko proiektutzat finkatu dugu.

Gure etorkizuneko erronka nagusia, zalantzarik gabe, Bilbo gazteagoa egitea da. Hiria gazte mantendu behar dugu, aukerez eta erakargarritasunez betea talenturik onena atxiki eta erakartzeko, gazteei kalitatezko enplegurako eta duintasunezko etxebizitzako sarbidea bermatuz, emantzipatzeko eta nahi dituzten bizitza-proiektuak garatzeko aukera izan dezaten. Unibertsitatearen pisua handiagoa duen hiria. Prestakuntza etorkizuneko aktibo nagusitzat jotzen duen hiria. Horrez gain, nahitaezkoa da familiak babesten eta laguntzen jarraitzea, bizitza-pertsonala, familia-bizitza eta-lan bizitza uztartzeko behar adinako baliabideak dituen udalerrri bihurtzearen alde apustu eginez.

Bilboko balioak garatzen jarraituko dugu. Nazio Batuen Garapen Jasangarrirako Helburuekin (GJH) erabat lerrokatuta dauden balioak.

3.1 - GAZTERIA

HELBURUA: Bilbo "hiri gaztea" bihurtuko duten gazteria arloko politiken udal estrategia antolatzea, gazteei ahalik eta garapen-aukerarik handienak eskainiz eta etorkizuneko Bilboren eraikuntzan parte-hartze aktiboa izango dutela bermatuz.

NEURRIAK

1. Bilbao Hiri Gaztea 2022-2025 gazteria arloko estrategia berrian aurreikusitako ekintzak garatzea.
2. Ume, nerabe eta gazteentzako hurbileko ekipamenduen sarea hobetzea, La Perrera eraikineko eta Itxaropen Kaleko Frontoiko erreferentziatzko guneei arreta berezia emanez.
3. Nerabeen artean aisia eta kirola sustatzea xede duen "GazteKLUBA" programarekin jarraitzea.
4. Gazte eta nerabeekiko informazio eta komunikazio kanalak sendotzea.
5. Emantzipazioko bizitza-proiektuak erraztea, gazteen beren-beregi zuzendta dauden etxebizitza eta enplegu arloetako politiken bitartez.
6. Haurtzarotik zientzia, teknologia eta berrikuntzarekiko jakin-mina sustatzea. Bilboko ume eta gazteei STEAM (Zientzia, Teknologia, Ingeniaritza, Artea eta Matematika) gaitasunak garatzeko aukera emango dieten ekimenak bultzatzea, La Perrera eraikineko Maker Gunea kasu.
7. Konekta programa Bilboko gazteentzako harreman eta zerbitzuetarako espazio berrizaitzat bultzatzea.
8. Umeen eta gazteen parte-hartzea berariaz sustatzea.
9. Bilbo gazteentzako hiritzat posizionatzea.
10. Ikasteko gelak edo gunek inplementatzen jarraitzea gazteentzat.

3.2 - MEMORIA HISTORIKOA, BALIOEN ETA GJH-EN GARAPENA

HELBURUA: Bilbo balioen hiri bihurtzea, herritarrek nahiz hiriko eragile eta enpresek gizarte-kohesioan eta garapen jasangarrian aurrera egiten lagunduko duten balioak partekatu eta bete ditzaten.

NEURRIAK

1. Hiriko Memoria Historia berreskuratu eta ezagutzera emango dela bermatzea.
2. Bakearen eta Bizikidetzaren aldeko Bilboko Topaguneari jarraipena ematea, adiskidetzearen aldeko bidean eta biktimen eskutik aurrera egingo duen adostasunezko esparrutzat.
3. "Bilboko Balioen Agirian" bildutako balioak udal jarduera osoan ezartzen jarraitzea, bereziki udal planetan eta umeekin nahiz nerabeekin lotutako proiektuetan.
4. Enpresa eta elkarte gehiago "Bilboko Balioen Agiriarekin" konprometitzen jarraitzea, balioen bat edo batzuk auzoan, barrutian zein hiri mailan garatzeko sustatu dituzten proiektuak aitortuz.
5. "Bilbao, Balioen Hiria" proiektua parte-hartzearen bitartez garatzen jarraitzea, horri dagokion Batzordea indartuz eta horren jarduerak ezagutzera emanez.
6. Bilbo nazioartean GJHak garatzen diharduen Balioen Hiritzat posizionatzea, nazioarteko foro eta sareetan.
7. Udal jarduera osoa Nazio Batuen Garapen Jasangarrirako Helburuen eta 2030 Agendaren printzipioen arabera egituratzea. Horretarako, 2030 Agenda "lokalizatze" lan aktiboa egingo da, hiriko eragileen artean sozializatuz, herritarren artean zein enpresa eta elkarteetan, 2030 Agenda Lokalizatze Ekintza Planaren bitartez.
8. Bilbok GJHen lokalizazioaren arloan duen lidergoa bultzatzea. Etengabeko lankidetzaren instituzionala egoitza iraunkorra Bilbon duen Local 2030 Koalizioaren idazkaritzarekin.

3.3 - HAURRAK ETA FAMILIA

HELBURUA: Adingabeei, nerabeei eta hauen familiei arreta pertsonalizatua eta laguntza-zerbitzuak eskaintzea, detekzio goiztiarrean ahalegin berezia eginez haien babesa bermatu ahal izateko.

NEURRIAK

1. Bilboko Ume eta Nerabeen III. Udal Plana landu eta abian jartzea, ume eta nerabeen eskubideak garatzea xede duten neurriak bultzatuz eta herritarren lankidetzeta eta erakundeen arteko koordinazioa dinamizatuz politika hauen etengabeko hobekuntza eta garapena errazteko.
2. Ume eta Nerabeen Udal Kontseilua handitzea, hiriko ume eta nerabeen parte-hartze eta ordezkaritzarako organo iraunkortzat, hiriaren eraikuntzan umeen begirada kontuan hartuz.
3. UNICEFek emandako zigilua berritzea, aurrerantzean ere Bilbok umeekin adiskidetsua den hiriaren aitopenari euts diezaion.
4. Jardunbide egokiak eta ikaskuntzak partekatzeko esparruak sortzea, hiria umeen ikuspegitik eraldatzeko asmoz, Haurren Hirien Sarean bildutako esperientzia finkatuz.
5. Arrisku-egoeran dauden ume eta nerabeei arreta eta babes ematea xede duten gizarte eta hezkuntza arloetako programak eta zerbitzuak zein izaera psikosozialekoak eta asistentzialekoak garatu eta finkatzea, betiere babesgabetasunezko arrisku-egoeren prebentzioa eta detekzio goiztiarra helburutzat hartuz, Bizkaiko Foru Aldundiko Umeen Zerbitzuarekin nahiz Eusko Jaurlaritzako osasun eta hezkuntza sistemekin batera landutako balorazio diagnostiko egokiaren bitartez.

3.4 - HEZKUNTZA

HELBURUA: Bilbon hezkuntzaren kalitatearen hobekuntza bultzatzea, herritarrekiko eta hezkuntza-komunitatearekiko elkarriketari arreta berezia emanez.

NEURRIAK

1. Haurreskoletako plaza-kopurua handitzea hiriko auzoetan.
2. Legeiak Eusko Jaurlaritzari aitortzen dizkion eskumen zabalak ezagututa ere, ikastetxe publikoak hobetzeko inbertsioak egitea eta mantentzea, hiriko hezkuntza-instalazioek kalitate egokia izan dezaten.
3. Bilboko ikastetxe publikoetako zuzendaritza-taldeak indartzea Eusko Jaurlaritzarekin batera.
4. Eusko Jaurlaritzarekin lankidetzan jardutea Bilboko Eskola Mapa eguneratzeko.
5. Gazteei ikasteko ahalik eta plaza-kopururik handiena bermatzea, azterketa-garaietara egokitutako ordutegi malguak eskainiz.
6. Eusko Jaurlaritzako Hezkuntza Sailarekin lankidetzan jardutea, eskolaz kanpoko ordutegietan ikastetxe publikoetako instalazioetan hezkuntza eta kirol arloetako jarduerak garatu ahal izateko.
7. Gizarte eta hezkuntza arloetako laguntza-tailerren programa handitzea.
8. Hiri Hezitzaileen Nazioarteko Elkartean (AICE) modu aktiboan parte hartzea eta Hiri Hezitzaileen Agirian ezarritako konpromisoak betetzea.

3.5 - BILBO, UNIBERTSITATE ETA EZAGUTZA HIRIA

HELBURUA: Gaikuntza eta pertsonen, enpresen zein hiriko eragile garrantzitsuen arteko ezagutza sustatzea, eta nazioartean Bilbo talenturik onena erakartzeko gaitasuna duen kalitatezko prestakuntza-eskaintzaz hornitutako hiritzat posizionatzea.

NEURRIAK

1. Bilbon unibertsitate arloko zein lanbide-heziketako bikaintasunezko prestakuntza-eskaintza berria finkatzeko esparru fisikoak definitu eta erraztea.
2. UPV/EHUren Medikuntza Fakultate berria garatzen laguntzea.
3. Hiriko unibertsitate-prestakuntzaren eskaintzari lotutako ikerketa-jarduerak garatzeko esparru fisikoak definitu eta erraztea.
4. Hirian finkatutako unibertsitateekin lankidetzan jarraitzea.
5. Bilbo unibertsitate-hiritzat duen posizionamendua indartzea, Estatuko zein nazioarteko ikasleak erakartzeko gaitasuna izan dezan, bereziki gradu ondoko eta master mailako ikasketetan eta izaera tekniko eta teknologikoko gaietan.
6. Enpresaren eta unibertsitatearen arteko interakzioa erraztuko duen ekosistema sortzea, hirian prestakuntza-eskaintza berritzailea eta ezagutza trinkoa tarteko duten enpresa-ekimen berriak ezartzeko.
7. Bilbok udan unibertsitate-jarduerak (Udako Ikastaroak) erakartzeko duen gaitasuna sendotzea.